

*Etsi in Constitutione nostra, quam de anno 1514, die 6 Octobris, super facultate eligendi ad titulos beneficiorum hujus civitatis vacantes, de licentia nostra Capitulis Ecclesiarum per nos concessa pio affectu promulgavimus eo speciali modo, prævia protestatione concessimus, quod non intendebamus ordinaria potestati jurisdictionique nostræ Patriarchali in aliquo derogare, nec præjudicium facere; imo illam, sive illas incorruptas & illasas servare, & manutenerè, ut signatum & expressum in dicta Constitutione apparet: tamen quia non desunt multi, qui litium fomenta & scandala suscitare conantur, grâtiis & facultatibus sibi ad bonum finem concessis abutentes, & dignitatem ac potestatem alterius surripere conantur; Ideo pro dignitate & jurisdictione nostra tuenda, & pace omnium, semotis litibus & cavillationibus, servanda, ne etiam aliqua observantia fallax & iniqua introducatur in aliorum damnum & præjudicium, dictam nostram Constitutionem in hunc qui sequitur modum interpretandam, & declarandam ac reducendam duximus, prout per præsentem interpretamur, et declaramus ac reducimus, videlicet:*

*Quod quinque Ecclesia, S. Silvestri, S. Jacobi de Luprio, S. Matthæi, S. Canciani, et S. Martini, quæ vigore privilegiorum, sententiarum et Indulgentiarum Apostolicar. primo ad Patriarchatum Gradensem, et deinde ad Patriarchatum Venet. pertinere pleno jure dinoscuntur, et in quibus Clericorum institutio, destitutio et correctio ad Nos et Successores nostros vigore unionis dictorum Patriarchatuum solum spectat et pertinet, in dicta Constitutione non comprehendantur aliquo modo, prout ipsas*